



# basic education

Department:  
Basic Education  
**REPUBLIC OF SOUTH AFRICA**

## NATIONAL SENIOR CERTIFICATE

**LIBANGA 12**

**SISWATI LULWIMI LWASEKHAYA (HL)**

**LIPHEPHA LESITSATFU (P3)**

**LWETI 2019**

**EMAMAKI: 100**

**SIKHATSI: Ema-awa 2½**

**Leliphepha linemakhasi la-6.**

**TICONDZISO KULABAHOLWAKO**

1. Leliphepha lehlukaniswe TIGABA LETIMBILI:

SIGABA A: Indzaba (50)  
SIGABA B: Ematheksthi emibhalombiko (2 x 25) (50)

**CAPHELA:** Bahlolwa balindzeleke kutsi baphendvule imibuto LEMIBILI ESIGABENI B.

2. Phendvula MUNYE umbuto ESIGABENI A, MIBILI ESIGABENI B.
3. Bhala TONKHE timphendvulo ngeSiswati.
4. Cala LESO NALESO sigaba ekkasini LELISHA.
5. Hlela (Sib. libalavemcondvo, umdvwebo, ifloshadi, njll.) uphindze uhlunge emaphutsa emsebentini wakho. Cala ngeluhlaka NGEMBIKWEKUBHALA indzaba.
6. Luhlaka aluvetwe ngalokucacile. Dvweba umugca lovundlile etikweluhlaka.
7. SIPHAKAMISO SEKULAWULWA KWESIKHATSI:  
  
SIGABA A: Lokungenani emaminithi la-80  
SIGABA B: Lokungenani emaminithi la-70 (2 x 35)
8. Tinombolo tetimphendvulo atihambisane naleto letisephepheni lemibuto njengobe tinjalo.
9. Sihloko asingabalwa nakubalwa linani lemagama.
10. Bhala ngebunono nangesandla lesifundzekako.

**SIGABA A: INDZABA****UMBUTO 1**

Bhala indzaba NGASINYE saletihloko letilandzelako ibe ngemagama lasukela kula-340 aye kula-390.

- |     |  |      |
|-----|--|------|
| 1.1 | Sengatsi kungaphindze kwenteke loku.   | [50] |
| 1.2 | Lusuku lolwendvulela Iwekuphuma kwemiphumela yakamatekuletjeni.                        | [50] |
| 1.3 | Kube mane ...  | [50] |
| 1.4 | INingizimu Afrika ngiyo kuphela levumela kuhlalisa bantfu labachamuka kulamanye emave. | [50] |
| 1.5 | Kwetfulwa kwetinsita emmangweni wangakitsi.  | [50] |
| 1.6 | Titfombe letisekhasini le-3 nele-4 tivusa imiva kanye nemicabango.                     |      |

Khetsa SINYE sitfombe kuletilandzelako bese ubhala ngaso indzaba. Bhala inombolo yembuto (1.6.1 nobe 1.6.2 nobe 1.6.3). Nika indzaba yakho sihloko.

1.6.1



[Itsetfwe ku-www.rondavels.com]

[50]

1.6.2



[Itsetfwe ku-[www.chain.com](http://www.chain.com)]

**[50]**

1.6.3



[Itsetfwe ku-[www.hearing.com](http://www.hearing.com)]

**[50]**

**SAMBA SESIGABA A:**

**50**

**SIGABA B: EMATHEKSTHI EMBHALOLOMBO****UMBUTO 2**

Khetsa imibhalombiko LEMIBILI kulelandzelako bese ubhala ngayo ngemagama lasukela kula-100 aye kula-120 itheksthi ngayinye.

**2.1 INCWADZI YEBUNGANI**

Umntfwana wesihlobo sakho utfole umsebenti ngemvakwesikhatsi lesidze aphotfule tifundvo takhe enyuvesi. Bhala incwadzi umhalalisele. [25]

**2.2 UMLANDVOMPHILO NENCWADZISICELO**

Ephephandzabenitsite, ubone sikhangisi semsebenti wekuba ngumabhalane kadokotela wemmango wangakini. Wena unguromunye lofuna lomsebenti.

2.2.1 Bhala incwadzisicelo lemfisha letawuhambisana nalomlandvomphilo longentasi.

2.2.2 Phindza ubhale lomlandvomphilo bese uwucedzelela ngemininingwane yakho lesele ku-B kuya ku-D.

**Umlandvomphilo waSetfu Mfaniseni Maseko****A Imniningwanemnikati**

Sibongo:	Maseko
Ligama:	Setfu Mfaniseni
Inombolo yamatisi:	950120 0824 089
Likheli lasekhaya:	258B Embekelweni
Likheli leliposi:	PO Box 111, Nelspruit 1200
Inombolo yelucingo:	082 113 6789

**B Temfundvo:****C Temsebenti:****D Tekucitsa situnge:****E Bofakazi bemphilo:**

1. Mnu. GG Ndlovu (Thishelanhloko waseMkhuphukantsaba)  
Lucingo: 079 246 68979

2. Mnu. MP Matsebula (Mfundisi welibandla laseNtsabeni)  
Lucingo: 064 444 1890

[25]

**2.3 I-ATHIKILI YELIPHEPHABHUKU**

Lusha lolunyenti alusakhoni kuyekela tidzakamiva. Njengemeluleki wetemphilo ufunu kwecwayisa lusha kutsi luphunyule kulologibe. Bhala i-athikili yeliphephabhu lapho uveta khona teluleko letingalusita ubuye ulukhutsate. [25]

**2.4 INKHULUMO**

Ummango wangakini bewufake sicelo sekwakhelwa inkhundla yetemidlalo kubosomabhizinisi bendzawo. Sicelo sawo sigcine sivakele. Wena njengasihlalo welikomiti lemmango ucelwe kutsi uyewetfula inkhulumo yekubonga kulomcimbi wekunikela ngalenkhundla. Bhala inkhulumo lotayetfula.

**[25]****2.5 INCWADZI YEMTSETFO**

Nine nibafundzi, ninetinkinga ngemabhasi lanitfwala aniyise etikolweni abuye anibuyisele emakhaya. Nibambe umhlangano nacocisana ngaletinkinga. Wena njengalobhala wesigungu sebafundzi, bhalela umphatsinkapani walamabhasi akaSiyanakekela ukhonondze ngaloko.

**[25]****2.6 UMBIKO**

Ungulomunye webadlali belibhola lodvumile longenele umncintiswano wekukhangisa umkhicito wesitolo lesikhulu sangakini. Bhala umbiko lotawetfulela baceceshi bakho ngalomncintiswano.

**[25]**

<b>SAMBA SESIGABA B:</b>	<b>50</b>
<b>SAMBA SAKO KONKHE:</b>	<b>100</b>